

Na osnovu člana 27. stav 1., člana 32. Zakona o Fondu za zaštitu okoliša Federacije Bosne i Hercegovine („Službene novine Federacije BiH“ broj: 33/03), člana 7., člana 33. stav 1., člana 34. stav 1., člana 36. Statuta Fonda za zaštitu okoliša Federacije Bosne i Hercegovine („Službene novine Federacije BiH“ br: 33/06 i 1/15), odnosnih odredbi Pravilnika o postupku objavljivanja konkursa i o odlučivanju o odabiru korisnika sredstava Fonda za zaštitu okoliša Federacije BiH („Službene novine Federacije BiH“ broj: 73/10 i 17/15), Pravilnika o uslovima i načinu dodjele zajmova ili pozajmica i drugih sredstava Fonda za zaštitu okoliša Federacije BiH (Službene novine Federacije BiH broj: 75/10), a u vezi sa Programom rada i Finansijskim planom Fonda za zaštitu okoliša Federacije BiH za 2017. godinu („Službene novine Federacije BiH“ broj: 14/17) i Odluke Upravnog odbora o raspisivanju Javnog konkursa za korištenje sredstava Fonda za zaštitu okoliša Federacije Bosne i Hercegovine za 2017. godinu broj: UO-01-3-2-6-1/2017 od 14.03.2017. godine, Fond za zaštitu okoliša Federacije BiH r a s p i s u j e:

JAVNI KONKURS

za dodjelu sredstava za realizaciju programa, projekata i sličnih aktivnosti iz područja zaštite okoliša za 2017. godinu – JP2017/1

I PREDMET JAVNOG KONKURSA

Predmet Javnog konkursa je prikupljanje prijava za programe/projekte za raspodjelu sredstava, a koji će se odnositi na sljedeće programske aktivnosti:

LOT 1. WATSAN projekti vodosnabdijevanja i sanitacije u FBiH - raspoloživi budžet: 2.000.000,00 KM

Realizacija projekata zaštite voda od značaja za Federaciju BiH u okviru WATSAN projekta za Federaciju BiH i to samo za općine gdje je iskazan finansijski "gap". Projekti će se identificirati zajedno sa PMU timom, a sve s ciljem ispunjavanja obaveza datih kroz zaključke Vlade Federacije BiH od 10.03.2016. godine.

U ovisnosti od načina implementacije, u projekte iz oblasti zaštite voda spadaju:

- projekti zaštite vodnih resursa;
- projekti komunalne infrastrukture: odvodnja otpadnih voda (oborinska, tehnološka i fekalna kanalizacija);
- postrojenja za tretman sanitarnih i tehnoloških otpadnih voda.

LOT 2. Ostali projekti zaštite voda od značaja za Federaciju BiH - raspoloživi budžet: 600.000,00 KM

U skladu sa članom 178. Zakona o vodama, sredstva će se koristiti za provođenje zadataka koji su Zakonom o vodama dati u nadležnost Federalnom ministarstvu okoliša i turizma za sufinansiranje infrastrukture za zaštitu voda od značaja za Federaciju BiH.

Ovim lotom se planira korištenje sredstava Fonda za zaštitu okoliša Federacije BiH za sufinansiranje projekata iz oblasti zaštite voda, prikupljanja, odvođenja i tretmana komunalnih, tehnoloških, oborinskih otpadnih voda, te zaštite izvorišta.

Obaveza aplikanta je da obezbjedi vlastito učešće u projektu sa kojim aplicira na Javni konkurs (iz vlastitih ili drugih domaćih ili međunarodnih izvora).

LOT 3. Projekti i studije u cilju ispunjavanja ciljeva Strategije Federacije BiH iz oblasti zaštite okoliša - raspoloživi budžet: 450.000,00 KM

Federalne strategije

Ovim lotom se planira korištenje sredstava Fonda za zaštitu okoliša Federacije BiH za sufinansiranje izrade projekata i studija iz oblasti zaštite okoliša i energetske efikasnosti i to posebno: zaštite voda, zaštite i poboljšanja kvaliteta zraka, projekti kojima se promovira ekološki prihvatljiviji vid transporta, kao doprinos smanjenju emisije u zrak, upravljanja, korištenja i obrade otpada, izrada strateških studija uticaja na okoliš, kojima se stvaraju preduslovi za:

- dalje aktivnosti na realizaciji i implementaciji planova;
- za apliciranje i podsticanje programa za finansiranje po osnovu sporazuma i grantova iz domaćih i međunarodnih fondova;
- kao preduslov za povoljne kreditne linije /revolving fond.

Obaveza aplikanta je da obezbjedi vlastito učešće u projektu sa kojim aplicira na Javni konkurs (iz vlastitih ili drugih domaćih ili međunarodnih izvora).

Napomena: Ovaj lot se ne odnosi na izvođenje radova niti nabavku opreme, te takve aplikacije neće biti razmatrane.

LOT 4. Projekti uspostavljanja federalne mreže monitoringa kvaliteta zraka - raspoloživi budžet: 80.000,00 KM

Ovim lotom se planira korištenje sredstava Fonda za zaštitu okoliša Federacije BiH za sufinansiranje uspostavljanja mreže monitoringa kvaliteta zraka u Federaciji BiH.

Shodno Strategiji zaštite okoliša Federacije BiH cilj monitoringa je određivanje kvaliteta zraka u stanicama pozadinskog zagađenja, regionalnog i prekograničnog daljinskog prijenosa, te praćenja u okviru međunarodnih obaveza države, na područjima nacionalnih parkova, zaštićenih pejzaža, zaštićenih područja, spomenika prirode, osjetljivih okolišnih sistema, te kulturnog i prirodnog nasljeđa, i u naseljima i u industrijskim područjima.

LOT 5. Projekti zaštite prirode - raspoloživi budžet: 300.000,00 KM

Ovim lotom se planira korištenje sredstava Fonda za zaštitu okoliša Federacije BiH za finansiranje projekata inventarizacije, kartiranja i praćenja stanja vrsta i staništa, s naglaskom na prikupljanje novih podataka, sve u skladu sa EU direktivama zaštite prirode, posebno onih čiji je cilj dobivanje podataka koji bi poslužili uspostavljanju mreže Natura 2000 u BiH. Lot podrazumijeva i projekte u postojećim, kao i aktivnosti na uspostavljanju novih zaštićenih područja.

Obaveza aplikanta je da obezbjedi vlastito učešće u projektu sa kojim aplicira na Javni konkurs (iz vlastitih ili drugih domaćih ili međunarodnih izvora).

LOT 6. Projekti zaštite i remedijacije tla - raspoloživi budžet: 300.000,00 KM

Ovim lotom se planiraju i projekti remedijacije/revitalizacije tla kao što su istraživački projekti/studije čiji je cilj razvijanje metoda za remedijaciju tla, posebno bioremedijacije, te konkretni projekti remedijacije i sanacije kontaminiranog ili degradiranog zemljišta odgovarajućim okolišno prihvatljivim metodama sa definiranim mjerama.

Obaveza aplikanta je da obezbjedi vlastito učešće u projektu sa kojim aplicira na Javni konkurs (iz vlastitih ili drugih domaćih ili međunarodnih izvora).

LOT 7. Projekti zaštite okoliša kao podrška razvoju lokalnih zajednica - raspoloživi budžet: 1.000.000,00 KM

Ovim lotom se planira korištenje sredstava Fonda za zaštitu okoliša Federacije BiH za finansiranje projekata zaštite okoliša, prvenstveno kao podrška razvoju lokalnih zajednica i to za oblasti:

- Upravljanje otpadnim vodama, što obuhvata izgradnju ili sanaciju kolektorskih mreža, tretman otpadnih voda lokalnih zajednica i slične aktivnosti;
- Zaštita izvorišta koja služe za snabdijevanje vodom stanovništva. Ova programska aktivnost obuhvata i istražne radove u cilju utvrđivanja i praćenja kapaciteta i kvaliteta izvorišta te provođenja mjera zaštite, uspostavljanje zaštitnih zona i sl.;
- Projekti održivog korištenja voda u vidu smanjenja gubitaka u mrežama, te pomoći najmanje razvijenim jedinicama lokalne samouprave koja nemaju snage razvijati vlastite kapacitete.

Obaveza aplikanta je da obezbjedi vlastito učešće u projektu sa kojim aplicira na Javni konkurs (iz vlastitih ili drugih domaćih ili međunarodnih izvora).

LOT 8. Projekti zaštite zraka - raspoloživi budžet: 500.000,00 KM

Ovaj lot obuhvata projekte koji se odnose na smanjenje emisija štetnih plinova od industrije i saobraćaja, na poboljšanje i očuvanje kvalitete zraka naročito u urbanim sredinama i to:

- Istraživanja učinkovitije upotrebe sirovina i energenata;
- Sprečavanje nastanka opasnih i otrovnih tvari iz proizvodnih procesa;

- Optimizacija i osiguranje kvalitete podataka sistema za kontrolu i monitoring emisija zagađujućih materija u zrak;
- Zaštita zraka urbanih sredina u smislu smanjenja emisija štetnih plinova od saobraćaja kroz:
 - uvođenje novih ili prilagođavanje postojećih vozila gradskog saobraćaja, na ekološki prihvatljiviji pogon, u većim urbanim sredinama - gdje prednost ima namjena gradskog prijevoza za javne potrebe. Sufinansiranje od strane Fonda za zaštitu okoliša Federacije BiH moguće je ostvariti kroz razliku u cijeni između standardnog motora na fosilna goriva i motora na ekološki prihvatljiviji pogon;
 - ekonomičnije i ekološki prihvatljivije korištenje goriva, inovativna tehničko-tehnološka rješenja u saobraćaju;
- Projekti poboljšanja, očuvanja i monitoringa kvaliteta zraka te prostorno i urbanističko planiranje s ciljem poboljšanja kvalitete zraka (npr. rješavanje problema malih ložišta u urbanim sredinama, projekti sadnje parkova u urbanim sredinama koje se suočavaju sa problemom zagađenja zraka, planiranje, uspostava i proširenje mreže biciklističkih staza i td.).

Obaveza aplikanta je da obezbjedi vlastito učešće u projektu sa kojim aplicira na Javni konkurs (iz vlastitih ili drugih domaćih ili međunarodnih izvora).

LOT 9. Projekti upravljanja otpadom - raspoloživi budžet: 465.000,00 KM

Ovaj lot podrazumijeva ulaganja u izradu studija i planova upravljanja otpadom, u sisteme primarnog odvajanja otpada (za nabavku kanti, kontejnera i zelenih otoka) radi smanjenja nastajanja otpada i korištenja njegovih vrijednih svojstava, te opremanje reciklažnih dvorišta i transfer stanica. Prioritetni projekti su oni koji se odnose na:

- formiranje zelenih otoka radi poticanja selekcije otpada na mjestu nastanka;
- projektovanje, izgradnja i/ili opremanje reciklažnih dvorišta;
- poticanje projekata ponovne upotrebe otpada;
- poticanje razvoja reciklažne djelatnosti;
- korištenje otpada kao energenta, i sl.

Sredstva će se dodjeljivati uz mišljenje Federalnog ministarstva okoliša i turizma u cilju unaprijeđenja sistema upravljanja otpadom, a u skladu sa Strategijom upravljanja otpadom Federacije BiH, te Federalnim planom upravljanja otpadom.

Obaveza aplikanta je da obezbjedi vlastito učešće u projektu sa kojim aplicira na Javni konkurs (iz vlastitih ili drugih domaćih ili međunarodnih izvora).

LOT 10. Unaprijeđenje korištenja energije - raspoloživi budžet: 350.000,00 KM

Ovaj lot podrazumijeva izradu audita, studija i projektne dokumentacije te uvođenje cjelovitog sistema upravljanja energijom u skladu sa standardom EN ISO50001 sve s ciljem podrške korisnicima za pripremu projekata za dalje investiranje u svrhu povećanja energijske efikasnosti u:

- stambenim (isključivo zgrade kolektivnog stanovanja) i nestambenim objektima;
- javnoj rasvjeti;

- industriji.

Obaveza aplikanta je da obezbijedi vlastito učešće u projektu sa kojim aplicira na Javni konkurs (iz vlastitih ili drugih domaćih ili međunarodnih izvora).

Napomena: Ovaj lot se ne odnosi na izvođenje radova niti nabavku opreme, te takve aplikacije neće biti razmatrane.

II KORISNICI SREDSTAVA KOJI IMAJU PRAVO NA PODNOŠENJE PRIJAVE

Pravo učešća na Javni konkurs imaju pravne osobe registrovane kod suda ili organa uprave i to:

LOT 1.: organi i tijela federalne uprave, kantoni i jedinice lokalne samouprave (gradovi i općine);

LOT 2.: kantoni i jedinice lokalne samouprave (gradovi i općine) i privredna društva;

LOT 3.: organi i tijela federalne uprave, kantoni, jedinice lokalne samouprave (gradovi i općine), javne ustanove i privredna društva.

LOT 4.: institucije nadležne za uspostavljanje federalne mreže monitoringa kvalitete zraka;

LOT 5.: javne ustanove, nevladine organizacije koje obavljaju poslove iz domena zaštite prirode i privredna društva;

LOT 6.: javne ustanove, nevladine organizacije koje obavljaju poslove iz domena zaštite prirode i privredna društva;

LOT 7.: organi i tijela federalne uprave, kantoni, jedinice lokalne samouprave (gradovi i općine), javna komunalna preduzeća i privredna društva.

LOT 8.: organi i tijela federalne uprave, jedinice lokalne samouprave (gradovi i općine), javne ustanove i privredna društva;

LOT 9.: organi i tijela federalne uprave, kantoni, jedinice lokalne samouprave (gradovi i općine), javne ustanove i privredna društva;

LOT 10.: organi i tijela federalne uprave, kantoni, jedinice lokalne samouprave (gradovi i općine), javne ustanove/ustanove, upravitelja zgrada i privredna društva. Privredna društva mogu aplicirati samo ukoliko se radi o projektu isključivo za vlastite potrebe.

III USLOVI KOJIMA PODNOSICI PRIJAVE MORAJU UDOVOLJAVATI /KORISNICI SREDSTAVA KOJI IMAJU PRAVO NA PODNOŠENJE PRIJAVE

Pravna lica kojima se dodjeljuju finansijska sredstva (u daljem tekstu: korisnici), moraju ispunjavati sljedeće uslove:

- Da imaju sjedište na teritoriji Federacije Bosne i Hercegovine;

- Da ulažu vlastita sredstva u programe, projekte i slične aktivnosti u području zaštite okoliša koji su predmet aplikacije;
- Da prihvate uslove zajedničkog sudjelovanja u sufinansiranju programa, projekata i sličnih aktivnosti za koje se odobravaju sredstva Fonda za zaštitu okoliša Federacije BiH propisana općim aktima Fonda;
- Da podnesu zahtjev za korištenje sredstava Fonda za zaštitu okoliša Federacije BiH u skladu sa objavljenim konkursom;
- Da zaključe ugovor sa Fondom za zaštitu okoliša Federacije BiH o zajedničkom ulaganju u program, projekat ili drugu aktivnost za koje se odobravaju sredstva Fonda;
- Udovoljavaju i drugim uslovima utvrđenim konkursom.

Pod vlastitim učešćem, podrazumijevaju se novčana sredstva korisnika, osnovna sredstva pribavljena radi realizacije ulaganja koja finansira Fond za zaštitu okoliša Federacije BiH, kreditna sredstva drugih finansijskih institucija, ulaganja ili ulog drugih fizičkih i pravnih lica.

IV OBAVEZNA DOKUMENTACIJA ZA SUDJELOVANJE

Sredstva iz Javnog konkursa po navedenim programima, dodjeljuju se na temelju prijave projekta/programa Korisnika i kompletne dokumentacije.

A. Obavezna dokumentacija mora sadržavati:

1. Popunjen Obrazac za prijavu projekta na Javni konkurs, ovjeren i potpisan (dostupan na službenoj web stranici Fonda za zaštitu okoliša Federacije Bosne i Hercegovine: www.fzofbih.org.ba) – original;
2. Popunjen Obrazac finansijskog pregleda projekta, ovjeren i potpisan (dostupan na službenoj web stranici Fonda za zaštitu okoliša Federacije Bosne i Hercegovine: www.fzofbih.org.ba) – original;
3. Ovjerenu izjavu o namjenskom trošenju sredstava (ovjera se vrši u općini ili kod notara) dostaviti original. Datum izjave ne smije biti stariji od 3 mjeseca od dana objave ovog konkursa;
4. Ovjerenu izjavu korisnika da je spreman obezbjediti instrument osiguranja u skladu sa zaključenim ugovorom (ovjera se vrši u općini ili kod notara) - dostaviti original. Datum izjave ne smije biti stariji od 3 mjeseca od dana objave ovog konkursa;
5. Ovjerena izjava o korištenim/nekorištenim budžetskim i ostalim finansijskim pomoćima u prethodne 2 godine sa aspekta izvora, visine i namjene sredstava (ovjera se vrši u općini ili kod notara)- dostaviti original. Datum izjave ne smije biti stariji od 3 mjeseca od dana objave ovog konkursa;
6. Dokaz o registraciji aplikanta kod nadležnog suda (aktuelni izvod iz sudskog registra ili sudsko rješenje o izmjenama podataka - odnosi se na pravna lica, izuzev jedinica lokalne samouprave) ili kod nadležnog organa u zavisnosti gdje je subjekt registrovan (odnosi se na udruženja odnosno nevladine organizacije).

Datum izdavanja dokaza o registraciji ne smije biti stariji od 3 mjeseca od dana objave ovog konkursa – dostavlja se original ili kopija originala (koji nije stariji od 3 mjeseca) ovjerena od strane nadležnog organa;

7. Uvjerenja o poreskoj registraciji, i to:

a. ID broj;

b. PDV broj, za aplikante koji su PDV obveznici,
Obrasci pod a. i b. se dostavljaju kao kopije.

Ako se radi o aplikantu koji nije PDV obveznik o istom se dostavlja uvjerenje Uprave za indirektno oporezivanje. Datum izdavanja uvjerenja ne smije biti stariji od 3 mjeseca od dana objave ovog konkursa – dostavlja se original ili kopija originala (koji nije stariji od 3 mjeseca) ovjerena od strane nadležnog organa;

8. Uvjerenje da nije pod stečajem ili pred likvidacijom, ili je ušao u određen aranžman s povjericem, ili je obustavio ili ograničio poslovne aktivnosti, ili je u analognoj situaciji koja proističe iz sličnog postupka u skladu sa relevantnim zakonima i propisima u Federaciji BiH – odnosi se na privredne subjekte.

Datum izdavanja uvjerenja ne smije biti stariji od 3 mjeseca od dana objave ovog konkursa – dostavlja se original ili kopija originala (koji nije stariji od 3 mjeseca) ovjerena od strane nadležnog organa;

9. Uvjerenje da nije predmet postupka za proglašenje stečaja, za izdavanje naloga za prisilnu likvidaciju ili postizanje sporazuma/aranžmana s povjericima, ili bilo kojeg sličnog postupka u skladu sa relevantnim zakonima i propisima u Federaciji BiH – odnosi se na privredne subjekte.

Datum izdavanja uvjerenja ne smije biti stariji od 3 mjeseca od dana objave ovog konkursa – dostavlja se original ili kopija originala (koji nije stariji od 3 mjeseca) ovjerena od strane nadležnog organa;

10. Uvjerenje o izmirenim poreskim obavezama nadležnih organa – Poreske uprave i Uprave za indirektno oporezivanje. Ukoliko aplikant nije PDV obveznik, dužan je dostaviti uvjerenje Uprave za indirektno oporezivanje o istom.

Datum izdavanja svih uvjerenja iz ove tačke ne smije biti stariji od 3 mjeseca od dana objave ovog konkursa – dostavlja se original ili kopija originala (koji nije stariji od 3 mjeseca) ovjerena od strane nadležnog organa;

11. Izjava pod materijalnom i krivičnom odgovornošću da li se PDV u računima koristi ili ne koristi kao ulazni (ne odnosi se na aplikante koji nisu u sistemu PDV-a) – ovjera se vrši u općini ili kod notara - dostaviti original ili kopiju ovjerenu od strane nadležnog organa.

Datum izjave ne smije biti stariji od 3 mjeseca od dana objave ovog konkursa;

12. Uvjerenje o izmirenim obvezama prema PIO/MIO i zdravstvenom osiguranju
Datum izdavanja uvjerenja ne smije biti stariji od 3 mjeseca od dana objave ovog konkursa – dostavlja se original ili kopija originala (koji nije stariji od 3 mjeseca) ovjerena od strane nadležnog organa.

Napomena: Za jedinice lokalne samouprave (općine i gradove) izjave nije potrebno nadovjeravati kod notara ili u općini.

Obavezna dokumentacija je uslov učešća i kompletnost obavezne dokumentacije ustanovit će Komisija za analizu prijave sa aspekta ispunjenosti formalno - pravnih uslova Javnog konkursa koju imenuje direktor Fonda za zaštitu okoliša Federacije BiH, te ukoliko se ustanovi da aplikant nije priložio potrebne dokumente, aplikacija se neće uzeti u u dalje razmatranje.

B. Dodatna obavezna dokumentacija po LOT-ovima:

LOT 1:

1. Pismo podrške institucije koja vodi projekat, odnosno tima za implementaciju projekta;
2. Detaljna finansijska konstrukcija cjelokupnog projekta (sa izvodom iz upisa u PIMIS bazu FMF-a) sa prikazom definitivno obezbijeđenih sredstava;
3. Ukoliko je u pitanju sufinansiranje izrade projektne dokumentacije dostaviti Projektni zadatak ovjeren od strane aplikanta;
4. Ukoliko su u pitanju radovi/robe, dostaviti:
 - a) Odobrenje za izvođenje radova ili izjavu da će isto biti osigurano prije potpisivanja Ugovora o sufinansiranju;
 - b) Ovjeren izvod iz glavnog projekta: predmjer i predračun radova, odnosno specifikacija opreme iz projektne dokumentacije.
5. Izjava aplikanta o stupnju pripremljenosti tenderske dokumentacije sa dinamičkim planom provođenja procedure izbora konsultanta/izvođača radova/isporučioća opreme.

LOT 2:

1. Mišljenje nadležnog ministarstva da se radi o projektu zaštite voda prema članu 178. Zakona o vodama (FMPVŠ ili FMOIT);
2. Detaljna finansijska konstrukcija cjelokupnog projekta sa prikazom visine i izvora prethodno osiguranih sredstava, ovjerena od strane aplikanta;
3. Ukoliko je u pitanju sufinansiranje izrade projektne dokumentacije dostaviti Projektni zadatak ovjeren od strane aplikanta;
4. Ukoliko su u pitanju radovi/robe dostaviti:
5. Odobrenje za izvođenje radova ili izjavu da je isto u proceduri pribavljanja,

6. Ovjeren izvod iz glavnog projekta: predmjer i predračun radova, odnosno specifikacija opreme iz projektne dokumentacije.

LOT 3:

1. Projektni zadatak ovjeren od strane aplikanta za izradu studije, energetskog audita ili projektne dokumentacije;
2. Preporuka nadležnog ministarstva ili općinskog organa u smislu usklađenosti projekta sa važećom planskom i strateškom dokumentacijom u oblasti zaštite okoliša.

LOT 4:

1. Dokaz o nadležnosti za uspostavljanje federalne mreže monitoringa zraka;
2. Preporuka Federalnog ministarstva okoliša i turizma za predloženi projekat;
3. Aktuelni izvještaj o ispunjenju Plana uspostavljanja federalne mreže monitoringa zraka.

LOT 5:

1. Projektni zadatak ovjeren od strane aplikanta;
2. Referens lista prethodno provedenih projekata iz date oblasti, za naučno istraživačke institucije i nevladine organizacije, koje same provode istraživanja koja su predmet aplikacije,
3. Preporuka FMOiT-a za predloženi projekat;
4. Ukoliko su u pitanju radovi/nabavke robe dostaviti izvod iz projekta sa odgovarajućim predmjerom i predračunom radova odnosno specifikacijom roba iz projektne dokumentacije.

LOT 6:

1. Projektni zadatak ovjeren od strane aplikanta za oblast istraživanja;
2. Referens lista prethodno provedenih projekata iz date oblasti, za naučno istraživačke institucije i nevladine organizacije, koje same provode istraživanja koja su predmet aplikacije,
3. Za konkretne projekte remedijacije i sanacije kontaminiranog ili degradiranog zemljišta potrebno je dostaviti izvod iz elaborata ispitivanja tla sa konkretnim pokazateljima;
4. Preporuka FMOiT-a za predloženi projekat;
5. Ukoliko su u pitanju radovi/nabavke robe dostaviti izvod iz projekta sa odgovarajućim predmjerom i predračunom radova odnosno specifikacijom roba iz projektne dokumentacije.

LOT 7:

1. Projektni zadatak ovjeren od strane aplikanta za izradu projektne dokumentacije;
2. Ukoliko su u pitanju radovi koji zahtijevaju glavni projekat, ovjerena izjava da je pripremljen projekat (nije potrebno dostavljati štampanu formu glavnog projekta nego samo kopiju ovjerene naslovne strane sa pečatom o obavljenoj reviziji);
3. Ukoliko su u pitanju radovi/robe dostaviti:
 - Odobrenje za izvođenje radova ili izjavu da će isto biti osigurano prije potpisivanja Ugovora o sufinansiranju;
 - Ovjeren predmjer i predračun radova, odnosno specifikacija opreme iz projektne dokumentacije.

LOT 8:

1. Projektni zadatak ovjeren od strane aplikanta za istraživanja kao i za izradu studijske i projektne dokumentacije;
2. Preporuka nadležnog ministarstva za predloženi projekat – za sve projektne prijedloge (osim za privredna društva koja apliciraju s projektom za vlastite potrebe a ne za javne namjene);
3. Ukoliko su u pitanju radovi/robe dostaviti:
 - Izjavu da će osigurati sve saglasnosti i dozvole za izvođenje radova prije potpisivanja Ugovora o sufinansiranju;
 - Ovjeren predmjer i predračun radova, odnosno specifikacija opreme iz projektne dokumentacije.

LOT 9:

1. Projektni zadatak ovjeren od strane aplikanta ukoliko se radi o studiji, planskoj ili projektnoj dokumentaciji;
2. Ukoliko se radi o izvođenju radova i/ili nabavci opreme, ovjerena izjava kod FMOiT-a da aplikant posjeduje sve uvjete za pristupanje modelu integralnog upravljanja otpadom, (ne primjenjuje se na privredna društva);
3. Ovjerena izjava općine da aplikant ima odobrene lokacije za izgradnju reciklažnog dvorišta i/ili instaliranje zelenih otoka, ukoliko se radi o izvođenju radova i/ili nabavci opreme;
4. Ovjerena izjava da je urađen projekat/elaborat, ukoliko se radi o izvođenju radova i/ili opremanju zelenih ostrva ili reciklažnog dvorišta;
5. Ovjeren predmjer radova, odnosno specifikacija opreme, ukoliko se radi o izvođenju radova i/ili opremanju zelenih ostrva ili reciklažnog dvorišta.

LOT 10:

1. Projektni zadatak ovjeren od strane aplikanta za izradu studije, projektne dokumentacije ili izradu energetskeg pregleda;
2. Za upravitelje zgrada dostaviti:
 - Rješenje o ispunjenosti uslova za obavljanje poslova upravitelja izdatih od strane nadležnih organa i/ili certifikat za vršenje poslova upravitelja;
 - Izjava potpisana od strane upravitelja i predstavnika suvlasnika zgrade o osiguranju sredstava za provedbu predmeta aplikacije iz sredstava za održavanje zajedničkih dijelova zgrade i upravljnje zgradom;
 - Popis suvlasnika u zgradi sa izraženim bruto/ neto površinama za sve stambene jedinice u zgradi
 - Potpisana i ovjerena izjava upravitelja zgrade da u skladu sa zaključenim ugovorom o opravljanju zgradom te na osnovu odluke suvlasnika zgrade ima nalog u ime i za račun suvlasnika poduzimati poslove upravljanja na koji se odnosi predmet ovog Javnog konkursa.

Kompletnost dodatne obavezne dokumentacije i usklađenost aplikacije s temama lota će utvrditi Komisija za stručni pregled aplikacija, te ukoliko se ustanovi da aplikant nije priložio potrebne dokumente ili projektni prijedlog nije usklađen s zadanim temama iz lota, aplikacija se neće uzeti u razmatranje i neće se stručno bodovati.

Korisnik se obavezuje poštovati rokove definirane Pravilnikom o postupku objavljivanja konkursa i o odlučivanju o odabiru korisnika sredstava Fonda za zaštitu okoliša Federacije BiH tj. da će osigurati provođenje procedure nabavke radova/roba/usluga u roku od 6 mjeseci od dana donošenja odluke o dodjeli sredstava koju donosi Upravni odbor Fonda za zaštitu okoliša Federacije BiH.

Aplikanti mogu dostaviti i ostale dodatne dokumente koji će se uzeti u obzir kod bodovanja aplikacije, kao što su:

- Preporuke nadležnih općinskih, kantonalnih ili federalnih institucija;
- Dokazi o provedenoj proceduri odabira izvršioca u skladu sa ZJN-a sa specifikacijom usluga iz tendera, ako je ista već obavljena;
- Izvod iz okolišne/vodne dozvole/saglasnosti koji se tiče aplikacije, za projekte koji se tiču zadovoljavanja uvjeta postavljenih kroz dozvolu/saglasnost;
- Kopiju potrebnih saglasnosti i dozvola za izvođenje radova;
- Odobren plan prilagođavanja upravljanja otpadom, koji predviđa selektivno prikupljanje otpada na mjestu nastanka ili putem kasnijeg selektiranja;
- Promotivnu dokumentaciju kojom dokazuju vlastite sposobnosti i aktivnosti zaštite okoliša.

V VRJEDNOVANJE PROJEKATA

Vrjednovanje i rangiranje projekata pristiglih na Javni konkurs, vršit će Komisija koju imenuje direktor Fonda za zaštitu okoliša Federacije BiH.

Komisija razmatra projekte primljene na bazi Javnog konkursa, cijeni ispunjenost uslova i kriterija za odobravanje istih, sačinjava zapisnik s obrazloženom ocjenom i mišljenjem te isti dostavlja direktoru Fonda za zaštitu okoliša Federacije BiH, koji izrađuje listu prihvatljivih projekata za sufinansiranje na bazi Javnog konkursa za dodjelu sredstava za realizaciju programa, projekata i sličnih aktivnosti iz područja zaštite okoliša za 2017. godinu.

Na prijedlog direktora, Upravni odbor Fonda za zaštitu okoliša Federacije BiH donosi odluku o dodjeli sredstava korisnicima. Rezultati Javnog konkursa o izboru korisnika sredstava, biti će objavljeni na službenoj web stranici Fonda www.fzofbih.org.ba, u roku od 15 dana od dana donošenja odluke.

Prije donošenja odluke o odabiru, Fond za zaštitu okoliša Federacije BiH zadržava pravo zatražiti dodatna pojašnjenja projekta od predlagatelja, kao i pravo odbijanja pristiglih projekata bez posebnog obrazloženja.

VI PAKOVANJE I DOSTAVLJANJE PRIJAVA

Prijava za učestvovanje na Javnom konkursu sa kompletnom dokumentacijom mora biti izrađena na način da čini cjelinu u zatvorenoj neprovidnoj koverti.

Umjesto adrese, na koverti zalijepiti popunjenu naljepnicu za kovertu koja se nalazi na web stranici Fonda za zaštitu okoliša Federacije BiH.

Prijava se sastoji iz obavezne dokumentacije i dodatne obavezne dokumentacije koju je potrebno dostaviti u zajedničkoj koverti.

Obrazac za prijavu projekta i obrazac finansijskog pregleda projekta moraju biti popunjeni na računaru, a koji su dostupni na službenoj web stranici Fonda za zaštitu okoliša Federacije Bosne i Hercegovine: www.fzofbih.org.ba.

Sastavnice obavezne dokumentacije za sudjelovanje (kompletna obavezna i dodatna obavezna dokumentacija) trebaju biti dostavljene prema redoslijedu sa prijavnog obrasca. Obavezna dokumentacija za sudjelovanje treba biti odvojena od ostale dodatne dokumentacije.

Obavezna dokumentacija za sudjelovanje (kompletna obavezna i dodatna obavezna dokumentacija) mora biti dostavljena u štampanoj formi, uvezana tvrdim povezom (ukoričena dokumentacija) ili jemstvenikom, u protivnom ista se neće ni uzeti u razmatranje.

Obavezna dokumentacija za sudjelovanje dostavlja se u originalu i jednoj kopiji originala.

Kopija se dostavlja zajedno s originalnom prijavom sa jasnom naznakom „original“ i „kopija“, prijave. U slučaju razlika između originala i kopije, vjerodostojan je original prijave.

VII OPĆE ODREDBE

Obrasci za prijavu po ovom Javnom konkursu i Smjernice za korisnike sredstava Fonda za zaštitu okoliša Federacije BiH, mogu se preuzeti na službenoj web stranici Fonda za zaštitu okoliša FBiH: www.fzofbih.org.ba.

Aplikacija za učestvovanje dostavlja se lično ili putem pošte na adresu:

Fond za zaštitu okoliša Federacije Bosne i Hercegovine, ul. Hamdije Čemerlića 39a, 71 000 Sarajevo.

Prijava se dostavlja u zatvorenim neprovidnim kovertama sa naznakom:

„NE OTVARAJ – PRIJAVA NA JAVNI KONKURS – LOT BR. _____“.

Rok za podnošenje prijave je 30 dana od dana objavljivanja Javnog konkursa u „Službenim novinama Federacije BiH“.

Zahtjevi s nepotpunom dokumentacijom, podneseni nakon roka i utvrđene forme, neće se razmatrati.

Aplikant na jedan LOT može konkurisati samo jednim projektom.

Ukoliko aplikant na jedan LOT prijavi više projekata svi prijavljeni projekti će biti odbačeni.

U koverti može biti samo jedan projekat. Ukoliko jedna koverta sadrži više projekata, aplikacija se odbacuje.

Da bi aplikant ušao u konkurenciju za odabir na Javnom konkursu, mora ispuniti formalno-pravne uslove iz ovog Javnog konkursa – odnosno dostaviti kompletnu obaveznu dokumentaciju.

Dokumenti koji se šalju na Javni konkurs, ne vraćaju se aplikantu.

Neadekvatno popunjene prijave i nekompletni zahtjevi se neće razmatrati.

PDV je opravdan trošak ako se ne odbija kao pretporez. Opravdanim troškovima smatraju se troškovi nastali na projektu nakon dana objavljivanja ovog Javnog konkursa.

Fond za zaštitu okoliša Federacije BiH ne snosi nikakve troškove nastale pripremom, sačinjavanjem i dostavljanjem aplikacije, te podnosioc aplikacije nema prava na naknadu bilo kakvih troškova po osnovu učešća na ovom Javnom konkursu.

Sve dodatne informacije i upute aplikantima vezane za Javni konkurs, radnici Fonda za zaštitu okoliša Federacije BiH će davati 10 dana prije zatvaranja konkursa, i to radnim danom od 12:00 – 15:00 h u prostorijama Fonda za zaštitu okoliša Federacije BiH na adresi Hamdije Čemerlića 39a ili putem kontakt telefona: +387 (0)33 72 36 80 ili putem e-maila: info@fzofbih.org.ba.

Direktor

Dr.sci.oec Fuad Čibukčić
